



bILTEN *tešanjski*

Interno informativno glasilo

Godina XIX
juni/lipanj 2014.
Broj 61



U ovom broju:

- ➔ **POPLAVA**
- ➔ **TOPLIFIKACIJA
STAROG GRADA**
- ➔ **POSJETA PRIVREDI**
- ➔ **MARŠ MIRA
TEŠANJ - SREBRENICA**
- ➔ **CENTAR ZA OBRAZOVANJE
ODRASLIH**
- ➔ **PRIMOPREDAJA
DEMINIRANIH POVRŠINA**
- ➔ **MLADI**



OPĆINA TEŠANJ

Trg Alije Izetbegovića 11

www.opcina-tesanj.ba

e-mail: optesanj@bih.net.ba



IZVJEŠTAJ O RADU OV TEŠANJ ZA PERIOD 01.01. - 30.06.2014.

Općinsko vijeće Tešanj je u prvoj polovini 2014. godine održalo šest redovnih sjednica na kojima je razmatrano 58 tačaka. Također, održana je i tematska sjednica na kojoj su razmatrane 4 tačke.

U ovom periodu vijećnicu su razmatrali i usvojili sljedeće odluke:

- Odluka o izmjenama i dopunama Odluke o organizovanju zaštite i spašavanja ljudi i materijalnih dobara od prirodnih i drugih nesreća na području općine Tešanj.
- Odluka o radnom vremenu u određenim djelatnostima na području općine Tešanj.
- Odluka o prenosu prava vlasništva, radi oblikovanja građevinske parcele u skladu sa RP "Centar" Jelah.
- Odluka o određivanju matičnih područja i njihovih sjedišta.
- Odluka o zaštitnim zonama i zaštitnim mjerama izvorišta "Studenac" na mjesnom vodovodu "Ponikva" Šije.
- Odluka o izmjenama i dopunama Odluke o proglašavanju nevladinih organizacija od posebnog interesa
- Odluka o raspisivanju javnog konkursa (parcelsa 181/2 za K.O. Tešanj II)
- Odluka o izmjenama Odluke o posebnim uslovima rješavanja statusa izgrađenih objekata
- Odluka kojom se utvrđuje da je od javnog interesa izgradnja primarnih kolektora sistema prikupljanja i odvodnje otpadnih voda na području općine Tešanj.

- Odluka o usvajanju i pokretanju aktivnosti radi privođenja namjeni Idejnim projektom prikaznog koncepta izgradnje javne garaže na lokalitetu benzinske pumpe INA kod stambenog naselja Simetrale u Tešnju.

- Odluka o objavljivanju Javnog oglasa za imenovanje članova Općinske izborne komisije Tešanj



- Odluka o usvajanju Liste kapitalnih projekata za 2014. godinu.

- Odluka o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2014. godini.

- Odluka o zaštiti zraka

- Odluka o visini prosječne konačne građevinske cijene na području Općine Tešanj

- Odluka o javno-privatnom dijalogu

- Odluka o prodaji i zamjeni zemljišta

- Odluka o dopuni člana 117. Poslovnika o radu Općinskog vijeća Tešanj razmatrana na 19. sjednici nije usvojena. Na sjednicama Općinskog vijeća vijećnici su postavili ukupno 42 vijećnička pitanja i 15 vijećničkih inicijativa. Sjedinica su u zavisnosti od tačaka dnevnog rada prisustvovali: predstavnik Općinskog suda, komandir Policijske stanice, predstavnici Plenuma građana, direktori javnih ustanova i preduzeća, predsjednici upravnih i nadzornih odbora, te predstavnici firme Aksa iz Zenice. Budući da su sve sjednice javne, sjednicama su prisustvovali i pojedini građani, a sve sjednice su bile medijski praćene. Svi materijali, kao i zapisnici sa sjedinica su dostupni na web stranici www.opcina-tesanj.ba



Izdaje: **OPĆINA TEŠANJ**

Redakcija:

Edina Kadušić, Ferid Mustafić, Samir Brka,
Kanita Gredelj i Bahrudin Noćić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 11
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa:

TOPLIFIKACIJA STAROG GRADA



U Kabinetu Načelnika u srijedu, 28. maja potpisan je ugovor za toplifikaciju Starog grada (grana IX) - mašinski i građevinski radovi.

Ugovor su potpisali direktor Toplane Asim Bašalić i predstavnici izvođača radova - za mašinski dio, tehnički direktor firme Energotehnika Doboj Dejan Mitrović i za građevinski dio, predstavnik Konzorcija (AB trans i Rial šped) Almir Brka. Potpisivanju Ugovora je prisustvovao i Općinski načelnik Suad Huskić.

Ovim projektom bit će obuhvaćeno 149 objekata, a rok za završetak radova je 45 dana, kazao je direktor Toplane Asim Bašalić.

Nakon Srednjoškolskog centra i izgradnje toplovoda i vrelovoda za Hotel, ovo je još jedna investicija kada je u pitanju toplifikacija. Ovakvi projekti doprinose poboljšanju kvaliteta življenja u Tešnju, kazao je Općinski načelnik Suad Huskić.

Vrijednost mašinskih je 113.233,46 KM sa PDV-om, a građevinskih radova je 51.535,67 KM sa PDV-om.



BUNAR U MILJANOVcima

Općinski načelnik Suad Huskić predao je upotrebnu dozvolu tehničkom direktoru KP RAD Tešanj Himzi Bošnjaku, čime je zvanično pušten u rad bunar u Miljanovcima.

Puštanjem u rad ovog bunara, koji je spojen na R2 - vodovod Pousorje, 500-600 domaćinstava će imati vodu bez redukcija. Gradnja bunara je počela 2012. godine, a ukupna vrijednost radova je oko 150 000 KM.

Radi se o značajnoj količini vode koja će omogućiti snabdijevanje većeg broja domaćinstava i smanjiti potrebu za redukcijom, kazao je Općinski načelnik Suad Huskić.



Ovom činu prisustvovali su predstavnici mjesnih zajednica Miljanovci-Lončari, Novi Miljanovci i Piljužići, kao i predstavnici Građevinskog odbora vodovoda Pousorje.

RADOVI NA DIONICI PUTA TEŠANJ-MEDAKOVO-TEŠANJKA

U toku je rekonstrukcija i modernizacija dijela lokalne ceste LC-I 6 Tešanj-Medakovo-Tešanjka (IV faza).

Vrijednost projekta je 120.000,00 KM, a sredstva su obezbjedili Federalno ministarstvo razvoja, poduzetništva i obrta i Općina Tešanj.

Izvođač radova je firma Rial-Šped d.o.o. Doboj Istok.

Molimo sve učesnike u saobraćaju na pojačan oprez.



SASTANAK SA PREDSTAVNICIMA UNCTAD-a

Općinski načelnik Suad Huskić i predstavnici Agencije za razvoj općine Tešanj primili su delegaciju UNCTAD-a (United Nations Conference on Trade and Development) - Hansa Baumgartena iz odjela za investicije i poslovanje i Trevora Killena, specijalistu za promociju investicija.

Goste su zanimala iskustva i primjeri dobre prakse Općine Tešanj u kreiranju povoljnih uslova za poslovanje i privlačenje investicija.

Općinski načelnik je u svom izlaganju predstavio put općine Tešanj do postizanja prepoznatljivosti po efikasnoj općinskoj administraciji, elektronskoj upravi i po pozitivnim rezultatima tešanske privrede.

Gosti su istakli da Općina Tešanj u svojim aktivnostima primjenjuje svjetski pristup na kreiranju boljeg poslovnog okruženja i da ostale lokalne zajednice mogu učiti na njenom iskustvu.



SASTANAK SA PREDSTAVNICIMA ELEKTROPRENOSA I ELEKTROPRIVREDE

Općinski načelnik Suad Huskić sa saradnicima održao je sastanak sa predstavnicima *Elektroprenosa i Elektroprivrede*. Sastanku su prisustvovali Alaudin Alihodžić, Izvršni direktor za planiranje i inženjering u *Elektroprenosu BiH*, Cvjetko Žepinić, Izvršni direktor za rad i održavanje sistema u *Elektroprenosu BiH*, Enes Hasanhodžić, Izvršni direktor za operativno područje Tuzla u *Elektroprenosu BiH*, Vinko Bošnjak, direktor Podružnice *Elektro distribucija Zenica* u *Elektroprivredi BiH* i Fadil Begović, šef Poslovnice *Elektro distribucije* Tešanj sa saradnicima.

Ovom prilikom, razgovarano je o jačanju elektro-energetskih kapaciteta za potrebe lokalne zajednice - izgradnja 110 kW trafo stanice za područje općine Tešanj. Ovo je projekat koji je definisan Strategijom razvoja, čijom realizacijom će se u narednih 30 godina obezbijediti napajanje visokim naponom područje općine Tešanj. Vrlo brzo će se krenuti u identifikaciju trase i lokacije novih dalekovoda



PREDSTAVNIŠTVO NJEMAČKE PRIVREDE U BIH

Općinski načelnik Suad Huskić primio je Alexandera Märdiana i Sanjina Purgića iz *Predstavništva njemačke privrede u BiH*.

Tokom sastanka razgovarano je o ekonomskom razvoju BiH i općine Tešanj, kao i o mogućnostima daljeg unapređenja odnosa sa njemačkom privredom.

Također, razgovarano je i o inicijativi BEAR (razvojna inicijativa općina Teslić, Tešanj i Žepče koju je podržalo Njemačko društvo za međunarodnu saradnju - GIZ) i predstavljanju investitorima na Konferenciji koja će biti održana u septembru. Sastanku je prisustvovao i direktor Agencije za razvoj TRA Ismar Alagić.



FIRMA TS SARAČEVIĆ

U okviru redovne posjete privrednicima, Općinski načelnik Suad Huskić sa saradnicima posjetio je firmu *TS Saračević* (trgovina specijalnim čelicima i obojenim metalima) koja je smještena u Industrijskoj zoni Bukva.

Kroz razgovor sa vlasnikom firme Osmom Saračevićem, Općinski načelnik se na licu mjesta upoznao sa trenutnim aktivnostima i razvojnim planovima - izgradnja novog objekta.

Tokom posjete, Općinski načelnik je izrazio zadovoljstvo viđenim, te posebno istakao uspjeh ove firme, kao i aktivan društveni angažman.

Detaljnije o firmi *TS Saračević* možete pogledati na: www.saracevic.ba



FIRMA MADI

Općinski načelnik Suad Huskić sa saradnicima posjetio je firmu *Madi d.o.o.* Tešanj. Povod posjete je bila nova investicija - uređaj za prečišćavanje i odvodnju otpadnih voda. Vrijednost investicije je preko milion maraka.

Firma *Madi* intenzivno radi i na uređenju postojeće zgrade (bivše Sloge) i novoizgrađene hale u Industrijskoj zoni Bukva, gdje će početkom jeseni biti premještena kompletna proizvodnja.

Općinski načelnik je čestitao vlasnicima firme *Madi*, te kazao da je zadovoljstvo imati ovakvu firmu na području općine Tešanj.

Detaljnije o firmi *Madi* možete pogledati na: www.madi.ba



CENTAR ZA OBRAZOVANJE ODRASLIH

Svečanim presjecanjem vrpce u prostorijama Mješovite srednje škole u Tešnju zvanično je otvoren Centar za obrazovanje odraslih. Centar će se koristiti za dodatno osposobljavanje, usavršavanje, prekvalifikaciji i dokvalifikaciji radne snage za različite profile, zanimanja, te za formalno obrazovanje prilagođenim programima obuke, kao i u svrhu organizovanja različitih kurseva i radionica.

Na svečanosti, kojoj su prisustvovali mnogobrojni gosti i zvanice, prigodnim govorom su se obratili Općinski načelnik Suad Huskić, direktorica USAID-Sida Firma projekta Dina Karić, voditelj Poslovnog obrazovnog centra Velenje Darko Lihteneker i Premijer ZDK Munib Husejnagić, dok su projekat kroz prezentaciju predstavili direktor Mješovite srednje škole Muharem Saračević i direktor TRA Ismar Alagić.

Ovom prilikom uručene su zahvalnice svima koji su pružili podršku ovom projektu.

Projekat su zajednički realizovali Agencija za razvoj TRA i Mješovita srednja škola Tešanj, uz podršku USAID-Sida Firma projekta, Federalnog zavoda za zapošljavanje, Vlade ZDK, Općine Tešanj i privrednika sa područja općine Tešanj.



POPLAVA – 15. 05. 2014. godina Šije, Kraševo, Jelah polje, Kalošević



Angažmanom Štaba Civilne zaštite spašeno 66 građana. Poseban doprinos u spašavanju je dao privrednik Izudin Turkeš.



POMOĆ SUSJEDNIM OPĆINAMA

Doboj, Maglaj, Doboj Jug - pitka voda, voda iz cisterni, medicinsko zbrinjavanje, prihvati raseljenih ljudi sa poplavljenih područja, hrana i potrepštine, pomoć prilikom uspostave instalacija struje i vode, pranje i dezinfekcija, pomoć dobrovoljaca.



POSJETA UGROŽENIM PODRUČJIMA



Šije



Maglaj



Doboj

Poplavljene 94 kuće - Šije (83), Kraševo (4), Jelah polje (2), Kalošević (5)



POSJETE TEŠNJU TOKOM POPLAVE



Federalni i kantonalni premijeri



Potpredsjednik Federacije BiH



Visoki predstavnik u BiH

KLIZIŠTA

Na području općine Tešanj u periodu od 14. 05. 2014. godine do 25.06.2014. godine evidentirana je aktivnost 144 klizišta /odrona /slijeganja (prečišćene prijave) od kojih su 134 nova i 10 starih klizišta sa registrovanom aktivnošću. Sva navedena zemljišna aktivnost karakteriše zasićenost zemljišta vodom, što je evidentno kroz klizne površine duži period od njihovog nastanka. Na taj način i njihova aktivnost je postojana i očekivana kroz navedeni i predstojeći period. Na poziv Općine Tešanj, u ime Federalnog instituta za geologiju, na području općine Tešanj boravio je geolog prof. dr. Ferid Skopljak. Općinski načelnik je tražio procjene rizika na lokacijama koje ugrožavaju stambene objekte i dalje upute za stanovnike i općinu Tešanj. Dr. Skopljak je na osnovu toga posjetio 20 lokacija na kojima su ugroženi objekti i dao stručne ocjene stanja, te preporuke za dalje postupanje.

Na osnovu nalaza i stručnog mišljenja dr. Skopljaka trenutno postoji pet stambenih objekta (Šije, Jablanica 2 objekta, Mrkotić, Trepče) koja su iseljena i za koje nema mogućnosti za hitnu sanaciju ili eventualnu zaštitu od daljnjeg klizanja tla. Kod preostalih klizišta definisano je koji oblik hitnih i preventivnih intervencija treba poduzeti kako bi se zaštitilo od daljnjeg klizanja terena i ugrožavanja objekata.

Utvrđeno je da su problemi sa klizištima uglavnom nastali kao posljedica enormno visokih količina padavina, zbog neriješenih drenaža oko objekata, neadekvatne odvodnje površinskih i fekalnih voda, te zbog pozicija akumulacija vode u bunarevima ili vodovodnim sistemima (bazenima/ rezervoarima) sa vodom.

Na 10 lokacija već je izvršena sanacija zbog potrebe prohodnosti puteva (Trepče, Dž. Planje, Koprivici, Novo Selo, Pejčići, Roše, Raduša...).

Raspored klizišta po mjesnim zajednicama i naseljenim mjestima

R.b.	MJESNA ZAJEDNICA	Broj klizišta	R.b.	MJESNA ZAJEDNICA	Broj klizišta
1.	BOBARE-DRINČIĆI BLAŽEVCI	3	13.	MRKOTIĆ	5
2.	BUKVA	8	14.	NOVO SELO	4
3.	DOBROPOLJE-MEKIŠ	7	15.	ORAŠ PLANJE	3
4.	DŽEMILIC PLANJE	2	16.	PILJUŽIĆI	3
5.	JABLANICA	9	17.	RADUŠA	16
6.	JELAH	7	18.	ROSULJE	4
7.	KALOŠEVIĆ	4	19.	TEŠANJ	19
8.	KARADAGLIJE	7	20.	TEŠANJKA	10
9.	KRAŠEVO	3	21.	TREPČE	7
10.	LJETINIC	1	22.	VUKOVO	2
11.	MEDAKOVO	11	23.	ŠIJE	7
12.	MILJANOVIĆ- LONČARI	2		UKUPNO	144

Pregled ugroženosti:

Redni br.	UGROŽENOST	Broj
1.	Objekat	44
2.	Poslovni objekat	1
3.	Pomoćni objekat	7
4.	Putna infrastruktura	31
5.	Zemljište	57
6.	Vodotok	1
7.	Konto rijeke	1
8.	Vodotok	1
9.	Izvor	1

Redni br.	TIP POKRETA	Broj
1.	Isejeno	5
2.	Sanirano	15
3.	Nje sanirano	29
4.	NN	95

MARŠ MIRA TEŠANJ – SREBRENICA 2014

Ispred Centralnog spomen obilježja u Tešnju grupa tešnjaka pod vodstvom Almira Ljevakovića krenula je na Marš mira Tešanj-Srebrenica 2014.

Organizator i ovogodišnjeg Marša mira je Udruženje Klub prijatelja Srebrenice. Građanima koji su došli da isprate ovu grupu, prigodnim govorom obratili su se Općinski načelnik, predsjednik Udruženja Klub prijatelja Srebrenice, vođa puta i predstavnik Udruženja Prosvjetitelj iz Srebrenice.

Marš mira je pješački pohod, koji se održava u sklopu obilježavanja godišnjice genocida nad Bošnjacima u Srebrenici i njejoj okolini, s ciljem odavanja počasti žrtvama genocida te podsjećanja na stravične zločine.

Detalnije o ovogodišnjem Maršu mira možete pogledati na: www.marsmira.org

SPORAZUM O ZAJEDNIČKOJ IMPLEMENTACIJI AKTIVNOSTI NA SISTEMSKOM AŽURIRANJU PODATAKA O NEKRETNOSTIMA KATASTRA I ZEMLJIŠNE KNJIGE

U prostorijama Federalne uprave za geodetske i imovinsko - pravne poslove u Sarajevu zaključen je Sporazum o zajedničkoj implementaciji aktivnosti na sistemskom ažuriranju podataka o nekretnostima katastra i zemljišne knjige. Sporazum su potpisali



Općinski načelnik Suad Huskić i direktor FGU Željko Obradović, te predsjednik Općinskog suda Tešanj Zdravko Popović. Općina Tešanj je jedna od prve tri općine u FBiH kod kojih se implementira ovaj projekat. Radi se o sistemskom ažuriranju i usklađivanju podataka zemljišne knjige prema podacima katastra zemljišta što bi nakon potpune relizacije planiranih aktivnosti rezultiralo ažurnim stanjem podataka u zemljišnim evidencijama. Planirano je da se ovim projektom obuhvati sedam katastarskih općina u naredne tri godine s tim da bi se već u ovoj godini pošlo sa aktivnostima u tri katastarske općine (Tešanj I, Tešanj II i Jelah). Cilj ovog projekta je obezbijediti središnji sistem katastra zemljišta i zemljišnih knjiga te izgraditi efikasan, siguran i održiv sistem registracije nekretnosti koji će omogućiti pravnu sigurnost na tržištu nekretnosti, obezbijediti sigurnost investitorima pružanjem potpune informacije o vlasništvu, te obezbijediti ažurne tehničke podatke o nekretnostima.



SASTANAK SA PREDSTAVNICIMA ZAVODA ZA ZAŠTITU KULTURNOG NASLIJEĐA FBiH

Predstavnici Zavoda za zaštitu kulturnog naslijeđa FBiH, Dženana Šaran i Azer Aličić posjetili su općinu Tešanj i sastali se sa Općinskim načelnikom Suadom Huskićem.

Razgovarano je o planiranim projektima obnove i zaštite spomenika kulture na prostoru općine za 2014. godinu (neki od projekata su kandidovani za finansiranje putem javnih poziva federalnih institucija).

Konkretno je razgovarano o pripremama za realizaciju nove faze uređenja prilaza Starom gradu - potrebne su određene pripremne aktivnosti prije odabira izvođača. Sredstva za projekat su već obezbijedena i realizacija se očekuje prije kraja 2014. godine.



URUČENI ČEKOVI ZA PROJEKTE OMLADINSKE BANKE

Potpisani su ugovori za 14 projekata neformalnih grupa mladih koji su odobreni putem Omladinske banke. Ukupna vrijednost je 42 348,82 KM.

Radi se o projektima: Budi mi prijatelj, Opremanje Omladinskog doma, Ljetna škola sporta, Stoni tenis, Vježbom protiv bolesti, II faza izgradnje igrališta u MZ Miljanovci-Lončari, Ograđivanje fudbalskog poligona kod OŠ 9. septembar Medakovo (II faza), Fotografijom kroz život, Nabavka rekvizita za stoni tenis, Sportom protiv poroka, Igralište za odbojku na pijesku, U zdravom tijelu zdrav duh, Izrada prilaza za prostorije omladine, postavljanje oglasnih ploča, kanti za smeće i klupi i Odmaralište za vrijednu omladinu.



Sretan sam da je Općina Tešanj među prvih pet općina u Bosni i Hercegovini koja se uključila u ovaj projekat, a koji se već šest godina uspješno realizuje. Nadam se da će ovi i projekti narednih godina koji se realizuju putem Omladinske banke donijeti samo najbolje za našu općinu, kazao je Općinski načelnik Suad Huskić.

Ovom prilikom, prisutnim su se obratili i predstavnica Fondacije MOZAIK, Belma Rizvanović i član Kreditnog odbora Omladinske banke Tešanj, Armin Maglić.

Inače, program Omladinske banke ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.

Omladinskim bankama upravljaju odbori sastavljeni od deset članova u dobi od 15 do 30 godina, izabranih na javnom pozivu i edukovanih da vode program malih grantova koji direktno podržavaju jačanje povjerenja i saradnju mladih te njihove projekte.

PRIJEM NAJBOLJIH UČENIKA



Za učenike generacije, učenike sa posebnom diplomom i učenike sa ostvarenim značajnim rezultatima na takmičenju, te direktore škola, profesore i nastavnike koji su učenike pratili na takmičenju, upriličen je tradicionalni prijem Općinskog načelnika.

U ime lokalne vlasti, čestitke najboljim učenicima uputili su Općinski načelnik Suad Huskić i predsjedavajući Općinskog vijeća Fuad Šišić, koji su u svom obraćanju posebno istakli važnost ovako dobrih rezultata prvo za učenike, a onda i za zajednicu.

Inače, ovaj prijem je već postao tradicionalan i ima za cilj, između ostalog, da afirmiše uspješne učenike i sportiste i da ih podstakne na dalji rad i napredovanje.



KBS BORAC JELAH: ZLATNA MEDALJA

Općinski načelnik Suad Huskić primio je predstavnike Kluba borilačkih sportova Borac iz Jelaha - višestrukog prvaka države u kikboksu Hasana Huseinbašića i trenera Huseina Alibalića.

Na nedavno održanom Svjetskom kupu u kikboks u Mađarskoj, od 1158 takmičara iz 24 države, reprezentativac BiH Hasan Huseinbašić osvojio je zlatnu medalju.

Ovom prilikom, Općinski načelnik je čestitao na postignutom uspjehu i poklonio skromnu novčanu nagradu.



ŠVEDSKA DONIRALA POSTROJENJA ZA PREČIŠĆAVANJE VODE



Vlada Švedske donirala je Zeničko-dobojskom kantonu tri postrojenja za prečišćavanje vode, od kojih je jedan doniran Tešnju.

Na sastanku 02.06.2014. godine u Općini Tešanj kome su prisustvovali direktor Švedske agencije SIDA za Bosnu i Hercegovinu Pelle Persson, rukovodilac Švedske agencije Teamleader Anders Olsson, direktor Kantonalne uprave civilne zaštite Sead Džanović, predstavnici Komunalnog preduzeća Rad Tešanj i Općinski načelnik sa saradnicima, dogovoreno je da se postrojenje za prečišćavanje vode privremeno instalira na području MZ Kalošević.

Postrojenje je instalirano, a je održana je i jednodnevna obuka predstavnika Službe civilne zaštite i predstavnika Komunalnog preduzeća Rad Tešanj o načinu rukovanja ovim postrojenjima.

ZAHVALNICA ZA POMOĆ TOKOM POPLAVE



Općinu Tešanj posjetili su direktor Bolnice Sv.A.Luka Doboju Vlado Đurđević i prim. dr. Gordana Žola. Povod posjete je dodjela priznanja direktoru Opće bolnice Tešanj dr.med.sci Rifatu Sejdinoviću i prim. dr. Emiru Čabriću za pomoć koju su pružili uposlenima i pacijentima iz Bolnice Sv.A.Luka Doboju tokom elementarne nepogode - poplava.

Za svu pomoć koju su pružili humanisti iz Tešnja, dugujemo veliku zahvalnost, stoga danas dodjeljujemo simbolično priznanje, te se nadam da ćemo se u budućnosti odužiti, ali u drugačijim okolnostima, kazao je direktor Bolnice Sv.A.Luka Vlado Đurđević.

Dr. Rifat Sejdinović kazao je da je Opća bolnica Tešanj stavila na raspolaganje svoje osoblje, opremu i prostor pacijentima iz Doboja, te da niko nije ostao bez adekvatne njege i pomoći.

U Tešnju su također određena područja bila poplavljena, ali nas to nije spriječilo da pomognemo i drugima. Ovo je bio odgovor iz općine Tešanj, da bez očekivanja zahvalnosti, adekvatno postupimo u teškoj situaciji, istakao je Općinski načelnik.

IZVRŠENA PRIMOPREDAJA DEMINIRANIH PROJEKATA



Krajem juna je od strane izvođača deminiranja NGO Stop Mines Pale, u prisustvu BH MAC-a-Regionalni ured Tuzla, predstavnicima Službe civilne zaštite predati deminirani projekti na području MZ Miljanovci-Lončari LZ Lončari 7, MAC ID 13556 površine 37.696 m² i LZ Lončari 8, MAC ID 13563 površine 73.364 m². Realizacijom navedenih projekata od mina je u cjelosti očišćena površina koja obuhvata područje Lončara (Varivode i Komin). Sredstva za realizaciju ovih projekata osigurao je izvođač deminiranja NGO Stop mines uz učešće Općine Tešanj od 40.000 KM, koja će se realizovati na području općine Tešanj, kroz jedan od razvojnih projekata.



POTPISANI UGOVORI O STIPENDIRANJU STUDENATA IZ REDA BORAČKIH POPULACIJA

U Sali Općinskog vijeća Tešanj potpisani ugovori o stipendiranju studenata iz reda boračkih populacija.

Ugovor su potpisali Ministar za boračka pitanja ZDK, Nedžad Lokmić i 132 studenata sa područja općine Tešanj koja su ostvarila pravo na stipendiju.

Za boračke stipendije, ove godine Vlada ZDK izdvojila je skoro 1,5 miliona KM. Nadam se da ćemo od narednog mjeseca početi sa isplatom stipendija, kazao je Ministar za boračka pitanja ZDK, Nedžad Lokmić.

Potpisivanjem ovih ugovora, uz općinske stipendije ostvaruje se naša želja da svim studentima sa područja općine Tešanj koji ispunjavaju uslove, omogućimo stipendije, kazao je Općinski načelnik Suad Huskić.

Ove godine, Ministarstvo za boračka pitanja ZDK stipendira 1365 studenata sa područja ZDK.





Oni su među najuspješnijim firmama u BiH za 2013. godinu

100[®]

NAJVEĆIH



ČESTITAMO!



www.opcina-tesanj.ba